



Broj: 01/20-02-1167/22-1
Sarajevo, 06.06.2022. godine

PREDSTAVNIČKOM DOMU
PARLAMENTA FEDERACIJE BiH



Dana 06.06.2022. godine održana je 11. sjednica Odbora za obrazovanje, nauku, kulturu i sport Predstavničkog doma Parlamenta Federacije BiH (u daljem tekstu: Odbor).

Sjednici Odbora prisustvovalo je deset članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Razmatranje i poduzimanje potrebnih radnji u vezi Dopisa koji se odnosi na Evropsko školsko prvenstvo u odbojci pod zastavom Republike Srpske, koji je dostavio Natmir Buljubašić, profesor fizičke kulture, dana 30.05.2022. godine, broj 01-02-1118/22.

Na osnovu člana 44. st. 1. i 2., a u vezi sa članom 75. Poslovnika Predstavničkog doma Parlamenta Federacije BiH, Odbor za obrazovanje, nauku, kulturu i sport podnosi sljedeći

IZVJEŠTAJ

Ad-1.

Uvodno izlaganje dali su Buljubašić Natmir i Muminović Amir, predstavnici Udruženja pedagoga tjelesne kulture Zeničko-dobojskog kantona i Tuzle, te veoma detaljno upoznali Odbor sa Dopisom koji su dostavili na razmatranje i poduzimanje mjera za rješavanje nastalog problema, a koji se odnosi na Evropsko školsko prvenstvo u odbojci pod zastavom Republike Srpske. Nakon uvodnog izlaganja



uslijedila je diskusija tokom koje su prisutni članovi Odbora iznijeli svoje prijedloge, primjedbe i sugestije i na kraju jednoglasno podržali sljedeće

ZAKLJUČKE

- 1. Odbor za obrazovanje, nauku, kulturu i sport Predstavničkog doma Parlamenta Federacije BiH traži od Ministarstva civilnih poslova Bosne i Hercegovine da poštujući Ustav Bosne i Hercegovine poduzme sve radnje i aktivnosti kako se ne bi dešavala nikakva međunarodna sportska takmičenja sa saglasnošću države, a bez zastave Bosne i Hercegovine.**
- 2. Odbor za obrazovanje, nauku, kulturu i sport Predstavničkog doma Parlamenta Federacije BiH traži od Federalnog ministarstva kulture i sporta i Federalnog ministarstva obrazovanja i nauke da dostave Odboru u što kraćem roku Informaciju o učešću na Evropskom školskom prvenstvu u odbojci pod zastavom Republike Srpske i predlože način rješavanja ovog problema i da se u međunarodnim asocijacijama i takmičenjima može pojaviti samo pod zastavom države Bosne i Hercegovine.**

U skladu sa članom 53. Poslovnika Predstavničkog doma Parlamenta Federacije BiH za izvjestioca je određen Mirsad Pindžo, predsjednik Odbora.

PREDSJEDNIK ODBORA

Mirsad Pindžo, s.r.